

الرشاد

س ۱ ۳۰ ۳ ۱ ۳ ۱ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفتة لقي مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ۱-۸

۳۱ مایس ۱۳۲۸

پنجشنبه

۲۷ جمادی الاخر ۱۳۳۰

عدد ۱۵-۱۹۷

حکومتک تحت اداره سنده تبعه خرسیتانه ، خلافت اسلامیه دائره سنده نائل اولمش بولندقلری حقوق و امتیازاته مالک اولمه مشلردر . اکر بوکون عثمانلی تبعه خرسیتانیه سنک حالی مثلاً روسیه و آلمانیا ده کی خرسیتیان لهرک حالی ایله مقابله ایدیا برسه شرف و فضیلتک هانکی طرفده اولدینی آکلاشیلیر !

« تان » و امثالی غرتلر وحشتدن و تعصبدن دم اورمه سونلر . بوکون بتون بشریت آوروپانک ظلم و تعدیسی آلتیده ایکلهور ، ازلیور . آوروپا ره بانلرینک ، داعیلرینک ، دینی پروپاغاندیلرینک شرقه صوقق استه دکلی انجیل و تورات آرقه سنده دایما ، خونریز خنجرلر ، یاقیچی آتشلر صاقلایلیور . باری اوتانه جق یرده ، ادعای فضیلت ایتمه سونلر !

احمد آغایف

هلال و صلیب

یاخود

اسلام و نصرانیت

اوروپا مدنیلشدکجه اقوام آسیاییه ایله اسلام علیهنده کی کین وعداوتلری آرتیور . حکومت اسلامیه نک تحدید و تقسیمینی اوروپالیلر بروطفیه دینی و وجدانی عد ایدرک ممالک اسلامیه نک سیاست ، اقتصاداً کندی نفوذ و تغلبلی آلتیه کیرمسی ایچون چالیشمقدن بر آن خالی قالماملردر . اوتوز سنه دن برو عالم نصرانیت هر وسیله ایله فرصت دوشدکجه حکومت اسلامیه بی ضرر و زیانه صوققنی ، ثروتلری ، ماللری ، استقلاللری لرندن غصب ایتمکی عادت ایدمشلر . برلین قونفره سی ، لوندره و استانبول قونفرانسلی صرف مسلمانلرک تنکیلی ایچون قورولمش بر آغدن بشقه برشی دکلدیر .

قوجه بردنیانک ربغی تشکیل ایدن هندستانی ، جزایر و تونسلی ، مصری ، خیوه و ترکستانی ، آفریقایک الک بویوک اراضیسنی ضبط واستیلا ایدن انکلتره ، فرانسه ، روسیه ، آلمانیا و سائر دول مسیحیه بوقدرله قناعت ایتمیوب الک صوکره (ایران) ایله (فاس) قطعات اسلامیه سنک ده غصب و تسخیرینه قرار ویره رک بو خصوصیه هر درلو انتریقه بی چویروب متعدد فساد طولابلرینی قوردیلر .

عثمانلی - یونان محاربه سی نتیجه سنده دولت علیه طرفدن قلیج و مظفریت حق اولان اراضی بی تملک ایتمکه « صلیب کیردیکی یره هلال کیره من » قضیه سوفسطاییه و غیر منطقیه سی ایله ممانعت کوستردیلر . یکیدن خواب کران غفلتدن هنوز او یا نمغه باشلا یوبده اوروپانک مشروطیت اداره طریزی قبول ایدن دولت عثمانیه و ایران حکومتیه قارشو درلودرلو مشکلات ایقاع ایله بلغارستانک کسب استقلال ایلمسه ، بوسنه و هرسلک اوستریا اداره سنه ضم و الحاقه ، کریدک مختار و ممتاز بر حکومت ملیه مسیحیه شکلنه کیرمسه کوز کوره یاردم ایتدیلر . بیچاره ایران ، بونجه فدا کارقلر نتیجه سنده بیکلرجه دکلی

کنج و متفکرینک قانلری بهاسنه آلدینی مشروطیتی روسیه و انکلتره چوق کوره رک محمد علی بی تحریک و تشویق ایله ایران ملت مجلسنی آکا طوپه طوتدیروب وکلای ملتک بر قسمنی قلیچدن کچیره رک بر قسمنی ده چیل یاوروسی کبی طاغوتیلر . ایران مشروطیت پرورلری تکرار وار قوتی بازویه ووروب ملی براردو تنظیم و تشکیل ایله طهران اوزرینه یورویوب محمد علی بی خلع ایتدکدن صکره حکومت مشروطه و ملیه نک یکیدن تشکیانه موفق اولنجه روسیه حکومتی انواع فتنه و فساد ایله ایرانک کندی عشایری ، اوز اولادینی قیام و عصیان تحریک ایله ایران حکومتیه انواع مشکلات و اقسام فلاکتلری حاضرله دی .

بریاندن ایرانک جهت شمالیه سنده بولنان رحیم خانی ، ترکمنلری ، شاهسونلری ، جنوبنده کاش قشقائی ، ایل عرب و سائر قبائل و عشایری آیاقلندیرمغه سعی و غیرت ایتدکدن ماعدا ، دیگر طرفدن محمد علی بی شعاع السلطنه بی ، ارشدالدوله و سالارالدوله ایله مجمل السلطانی ایرانک علیه سل سیف عصیان و رفع لوای طغیان ایتمکه روسیه حکومتی کرکی کبی چالیشدی . ایرانک امور مالیه سنی اصلاحه غیرت ایدن صنیع الدوله بی کندی تبعه سنه اولدیرتوب ، آمریقادن جلب ایدیلا مالیه مشاورلری ده قوغدیردی .

بالاخره برایی اولتیماتوم و نوطه ایله مطالبینی ایران حکومت ضعیفه و مغلوبه سنه قهر و تزویر خانانه ایله قبول ایتدیره رک قوجه آذربایجانک اشغالیه یوزلرجه وطنپرورانی ، علمای کرام و سادات عظامی جلادانه بر صورتده ایرانیلرک ماتمی برکوننده - محرمک اوننده - دار آغاچه چکوب زواللی آدملرک حیاتلرینه خاتمه ویردی .

بوقدرله ده اکتفا ایتمیوب الک صکره عموم مسلمانلر عندنده مقدس و محترم اولان سککزنجی امام (علی بن موسی الرضا) حضرتلرینک مشهده کی مرقد مبارک کنده - که عموم مسلمانلرک زیارتگاهنی تشکیل ایدیور - طوپه طوتوب ، سنین و فیره دن برو مسلمانلر طرفدن اورایه ندورات و هدایا قیلندن اوله رق تقدیم قلان آثار نادره و کرانها ایله کتب نفیسه بی اله کچوروب پترسبورغه کوندره رک ، کندی موزه سنک تزییننه خدمت ایتمشدر .

ترقی و تعالی شهرانه طوغری ایلر و ملکه اولان دولت علیه عثمانیه بی کل یوم چشیدچشید مشکلات داخیه و خارجه احداثیه بوتون عناصر عثمانیه آرمه سنده نفاق و شقاق تخمیلرینی صاچه رق کاه آرنان و دلری کاه ینلیرلی قیام و عصیان تحریک ایله حکومتی کندی امور داخیه سیله مشغول ایدوب ترقی دن آلیقویدیلر .

الک صکره بونلردن ده بر فائده کوره مینجه ایتالیا حکومتی طراباس غرب و بنگازی بی ضبط و تملک سوق ایلدیلر .

اوروپا بونی یا مقده ، بویله طاوور اقمده کندی نقطه نظرندن معذور و حقلی ایدی . چونکه عالم اسلامیتده کورونمکه باشلا یان نور هدایت و انتباه مسلمانلری سیر سریع فوق العاده ایله سمت

منفعتلری اوغورنده ترجیح ایلدیلر .

زیرا فضله تصدیق نتیجه سنده یر یوزنده بولان بالجه مسلمانلرک
بزار اوله جقلری و طولایسیله برهلال و صلیب محاربه سنه یول
وسیدیت و یریله جکنی کوزلجه بیلیورلر . نته کیم بوکونکی کونده
آفریقاده کی مسلمانلرک مع عیال و اولاد ایتالیا نلره قارشو محاربه
ایتمکده اولدقلری حالده فاس قبائل اسلامیه سنکده بر یاندن
فرانسزلر علیهنده سل سیف جلادت ایتدکلرینه باقیلیرسه ، اوروبا
دولتلیرنک اصرار و تغدلیری نتیجه سنده مسائل حاضرمنک پک فنا
برشکل و قلیغه کیره جکنه شبهه ایتمایلدیر .

شیمدیلک بز مسلمانلر ایچون هرشیدن الزم و واجب اولان
برشی وار ایسه ، اوده حقیقی برصبر و اتحاد در . خدا نکرده
ناچار و مضطر قاله جق اولورسه ق اوزمان مخبرات و مذاکرات
دیپلوماتیکه دن زیاده بوتون منازعات و مشاغباتی کسکین قلیچ
حل ایده جکدر .

السيف اصدق انباء من الكتب
فی حده الحد بین الجد واللعب

س.م.ت

فاس احوالی

آوروپامرا کز مهمه سندن ورود ایتکده اولان تلغراف خبرلری
فاس احوالک کیتدکجه اهمیت کسب ایتکده اولدیغنی متضمندر .
بوتلغرافلرک محمول اولدیغنی خبرلره کوره فاسلیلر ، فرانسزلر علیهنده
قیام ایتیش و شدتلی محاربه لره باشلامشدر . بومحاربه یواش ، یواش
یاغماغه باشلایه رق بلوطلرک هر طرفی قاپلایوبده کسلیمیان یاغموور کبی
فاس اقلیمنک هر طرفنه سرایت ایتیش وجدأ بیوک معرکه لره ،
وقعه لره ، ملحه لره مقدمه اوله جق بروضعیت آلمشدر . فاسلیلر ،
عبدالحفیظک دیتنه ، وطنه ، ملتته قارشو جائز کوردیکی اهاتی ،
خیاتی ، نانکورلکی ایله فاسه کیرن وفاسک زمام اداره سنی یدینه
کچیرمک ایسته ین ، عرفا ، روحا ، حسا و فکرا ، ماده و معنا مخالف
اولان اجنبی بر حکومتک اسیری کبی زیر محکومیتنده قانقلنی
ایستمدکلرندن استقلال ملیلرینک مدافعه سی ایچون فرانسزلره قارشو
بوده شتاک محاربه آتشی آچمشلدر . فاس قبائل و عشائری خائن
عبدالحفیظک فاس نامنه قبول ایلدیکی فرانسز حمایه سنی هیچ بروقت
اصلا طانییه جقلری ، اداره لری ، مملکتلری فرانسزلرک ضبط
و تصرف ایتسنه هیچ بر زمان موافقت ایتیه جکلری و بونک ایچون
فرانسزلره قارشو آجدقلری یومحاربه ده ثبات و دوام ایده جکلری
شبهه سزدر .

چونکه فاسلیلر ، فرانسزلرک جزایره دخیولدن بوکونه قدر
جزایر لیلرک فرانسزلره اولان صداقت و فدا کاراقلرینه رغما حقلرنده

مقصوده ، صوب مطلوبه چکوب کورتوردیکی کورن دول مسیحیه
دها ایشک باشلانغجنده ، مقدمه سنده دول و حکومت اسلامیه نک
آمال و تصورات عالیه سنه مانع و حیلوت ایجادیله مسلمانلری عنم
و تصمیملرندن آلیقومیه جق اولورلرسه نهایت الامرده هیچ برشی
یاغمه مقتدر اوله میه جقلری اییدن ای یه بیلیورلردی . بناء علیه
۱۹۰۷ ائتلافنامه سی موجبجه اولا ایرانی ، دها صکره فاس حکومت
اسلامیه سنی ضبط و تقسیم ایلکی فرض و واجب بیلدیلر .

بوکا مقابل فرانسه حکومتی انکلتزه نک مصرده کی حقوقی ،
روسیه ده آلمانیا نک ایرانده کی منافع تجاریه سنی قبول و تصدیق ایتک
صورتیله قوزلری پالاشوب ، بویاغلی لقمه لرک کیکلری ده اسپانیا
و ایتالیا دولتلیرینه ترک ایلک ایستدیلر . دولت عثمانیه ایله مجاهدین
اسلامیه نک دشمنه قارشو ثبات و مقاومتلری تخمین ایتیمان اوروبا
حکومتی ایتالیا نلرک آفریقای عثمانیه کی مغلوبیتلری کورنجه اظهار
حیرت ایتکده باشلادیلر . فضولانه بر صورتده طرابلسی و بنغازی یی
کندی ممالکنه ضم و الحاق ایدن ایتالیا ایلک دفعه دولت عثمانیه یه
تضییات و یرمکه حربک ختام بوله جقنی تخمین ایدیورکن بالآخره
أوده کی بازارک چارشویه اویمدیغنی آکلایجه عثمانیلری صلحه
یناشدیرمق ایچون اک حساس بر نقطه یه ایلدیشوب ، اوروپا لیلرک
مداخله سنی دعوت ایتکده تشبث ایتدی . چناق قلعه بوغازینک
قنایوب آچیلمسندن دولته برزبان ایریشمینجه و تاعمسک تعبیر
و ادعاسنجه بیطرف اولانلرک محاربلردن زیاده ضرر و زیانه دوچار
اولدقلری کورن ایتالیا روسیه نک ایما و اشاره سیله ، متفقلرینک
تصویب و تنسیبلریله آطهر دکزینه حرکات حربیه یی نقل و تحویل
ایدوب ردوسی محاصره و اشغال ایلدی . عقینده توسطلر ، قونفرانسلر ،
قونفرملر عقدی لزومه دائر اولان نقرات بر برینی متوالی اوروبا
مطبوعات صحائفی اشغال ایتدی .

روسیه حکومتی ایسه زاپونیا محاربه سنده غائب ایتدیکی شیلری
ایران و عثمانی حکومتلرندن تلافی ایتکده کندیسنجه قرار و یرمش
اولمایدر که بر آره لق عثمانی حدودینه کندی عسکرینی تحشید
ایتیش و بوسیه ایله حکومت عثمانیه یی ایران حدودندن
اوزاقلاشدیرمق وارومیه ایله ساوجیلاغ و سائر اراضی اسلامیه یی
ید ضبطه کچیرمک و اوده ایتالیا نک مطالبی بر تقریب ایله قبول
ایتدیرمک ایستدی .

روسیه ظن ایدیوردی که کندی فکرینه اوروبا دولتلیری
اشترک ایتدیرمکه قولایاقله موفق اوله جق و مراننه قونه جقدر .

بالنتیجه یا کلش یوله سالک اولدیغنی انکلتزه و فرانسه نک
عدم موافقتلریله ، آوستریا و آلمانیا نک تحاشیلریله آکلایویوردی .
انکلتزه و فرانسه حکومتلری ، بوندن زیاده دولت عثمانیه یی اجبار
ایتک ، طیاندیرمق کبی اصرار و ابراملرک نتیجه سنی وخیم تلقی
ایتدکلرندن طبیعتیه کوشک — بی طرف — طاورانی کندی